

ग॒भस्ति॒पूत इति पा॒णी वै ग॒भस्ती पाणि॒भ्यां॒ क्येन॑ पाव॒यति ॥ १ ॥ अथै॒काद॑श
 कृ॒त्वोऽभि॒षुणा॑ति । ए॒काद॑शाक्षरा वै त्रि॒ष्टुतै॒ष्टुभं मा॒ध्यन्दि॑नं स॒वनं मा॒ध्यन्दि॑नमे॒-
 वैत॑त्स॒वनं क्रि॒यते ॥ १० ॥ स गृ॒ह्णाति । दे॒वो दे॒वेभ्यः प॒वस्वेति॑ दे॒वो क्ये॒ष दे॒वे-
 भ्यः प॒वते॑ येषां भा॒गोऽसी॑ति तेषा॒मु क्ये॒ष भा॒गः ॥ ११ ॥ अथ द्वा॒दश कृ॒त्वोऽभि॒षु-
 णो॑ति । द्वा॒दशाक्ष॑रा वै ज॒गती जा॒गतं तृ॒तीय॑स॒वनं तृ॒तीय॑स॒वनमे॒वैत॑क्रि॒यते ॥ १२ ॥
 स गृ॒ह्णाति । म॒धुम॑तीर्न इ॒षष्कृ॑धीति र॒समे॒वास्मि॑न्नेत॒द्धाति॑ स्व॒द्यत्ये॒वैनमे॒तदे॒वे-
 भ्य॑स्त॒स्मदि॒ष कृ॒तो न पू॒यत्य॑थ य॒ज्जुहो॑ति स॒ंस्था॒पय॑त्ये॒वैनमे॒तत् ॥ १३ ॥ अष्टा॒व-
 ष्ठी कृ॒त्वः । ब्र॒ह्मव॑र्चस॒काम॑स्याभि॒षुणु॑यादित्याहु॒रष्टाक्ष॑रा वै गा॒यत्री ब्र॒ह्म गा॒यत्री
 ब्र॒ह्मव॑र्चसी ह्ये॒व भ॒वति ॥ १४ ॥ तच्च॒तुर्वि॑ंशतिं कृ॒त्वोऽभि॒षुतं॑ भ॒वति । च॒तुर्वि॑ं-
 शति॒र्वै सं॒वत्स॑र॒स्यार्ध॑मा॒साः सं॒वत्स॑रः प्र॒जाप॑तिः प्र॒जाप॑तिर्य॒ज्ञः स या॒वाने॒व य॒ज्ञो
 या॒वत्य॑स्य मा॒त्रा ता॒वन्तमे॒वैत॑त्स॒ंस्था॒पय॑ति ॥ १५ ॥ प॒ञ्च-प॒ञ्च कृ॒त्वः । प॒शुकाम॑-
 स्याभि॒षुणु॑यादित्याहुः पा॒ङ्काः प॒शवः प॒शून्दै॒वावरु॑न्दे प॒ञ्च वा॒ऽऋ॒तवः सं॒वत्स॑र॒स्य
 सं॒वत्स॑रः प्र॒जाप॑तिः प्र॒जाप॑तिर्य॒ज्ञः स या॒वाने॒व य॒ज्ञो या॒वत्य॑स्य मा॒त्रा ता॒वन्तमे॒-
 वैत॑त्स॒ंस्था॒पय॑ति सोऽ॒ष्टषा॒ मीमा॑ं॒सैवे॒तरं॑ ते॒व क्रि॒यते ॥ १६ ॥ तं गृ॒हीत्वा परि॑-
 मा॒ष्टि । ने॒द्यव॑श्चो॒तदिति॑ तं न सा॒दय॑ति प्रा॒णो क्य॑स्यैष त॒स्माद॑यम॒सन्नः प्रा॒णः सं॒-
 च॑रति यदी॒त्त्वभि॑चरे॒द्यैनं॑ सा॒दये॑दमु॒ष्य त्वा प्रा॒णं सा॒दयामी॑ति तथा॒हु त॒स्मिन्न
 पुन॑र॒स्ति य॒न्नानु॑सृ॒जति॑ ते॒नोऽअ॒र्धयु॑श्च य॒जमान॑श्च ज्यो॒ग्जी॒वतः ॥ १७ ॥ अथोऽअ॒प्ये॒-
 वैनं॑ द॒ध्यात् । अमु॒ष्य त्वा प्रा॒णम॒पि द॒धामी॑ति तथा॒हु त॒स्मिन्न पुन॑र॒स्ति यन्न सा॒द॒-
 य॑ति ते॒नो प्रा॒णान्न लो॒भय॑ति ॥ १८ ॥ स वा॒ऽअ॒न्तरे॒व स॒त्स्वा॒हेति॑ करोति । दे॒-
 वा ह वै बि॒भयां च॑क्रु॒र्यद्वै नः पू॒रै॒वास्य ग्र॒हस्य॑ ह्यो॒माद॑सुर॒रक्ष॑सा॒नीमं ग्र॒हं न
 ह॒न्युरि॑ति त॒मन्तरे॒व स॒न्तः स्वा॒हाका॑रेणा॒जुह॑वुस्त॒त् इ॒तमे॒व स॒न्तम॑ग्रा॒वजु॑ह॒वुस्त॒-
 थोऽए॒वैन॑मेष ए॒तद॒न्तरे॒व स॒त्स्वा॒हाका॑रेणा॒जुहो॑ति त॒त् इ॒तमे॒व स॒न्तम॑ग्नौ जुहो-